



## **Universitätsbibliothek Paderborn**

**Exempla, Divinæ Iræ, Per Opera Poenitentiae, Nobis  
Leniendæ**

**Stengel, Georg**

**Ingolstadij, 1648**

§.4. S. Nicasius docet pœnam meritam in remedium Salutis  
conuertendam.

[urn:nbn:de:hbz:466:1-52193](#)

sti? quām multi strangulati? quām multi, qui gladium effugerunt, in montibus & siluis fame enecti perierunt? Sic Deus etiam in hac vita plectit peccatores. Nonnē satius fuisset S. Nicasium, & S. Anianum, audire, & faciem Domini p̄zoccupare in confessione? quæ pœnitentia aut tam acerba, aut tam fuisset vniuersalis? Ita contingit illis qui pœnitentiam vel non agunt, vel differunt. Et longè grauius quiddam continget illis, qui pœnitentiam differunt in alteram vitam, existimantes se illa supplicia faciliūs toleraturos. Utinam non multi ex hīc præsentibus in eadem naui verarentur, qui si vitam dudum emendassem, si pœnitentiam serio egissent, non jam jumenta, domus, villas, & omnia sua incendijs aut direptione perdidissent.

Quamquam illa, si perierunt, non possunt recuperari; possunt tamen in grande lucrum conuerti; quod nos docuit S. Nicasius. Obsidebatur ciuitas Rhemensis; & ab Attila acriter oppugnabatur; postquam alij in montes fugissent, alij, qui remanserant ciues, ultimo demum subversionis die, hostibus circumquaque mœnia scandentibus, aut, ut scanderent, nitentibus, terrore

M

percul.

IV.  
S. NICASIVS DO-  
CET POE-  
NAM ME-  
RITAM IN  
REMEDIVM  
SALVTIS  
CONVER-  
TENDAM.

perculsi, ad S. Nicasium in oratione prostratum cucurserunt, interrogantes, quidnam ipse suaderet; satiusne esset, seruiti gentium se se tradere, an usque ad mortem pro salute urbis dimicare? Ibi Nicasius, diuina reuelatione edoctus, urbem in ciuibus funditus euertendam, in hunc modum populum est affatus: *Numinis hac est indignatio, & cines; iustum Dei iudicium, sceleribus vestris debitum. Dudum peccata vestradiuinam iram prouocauerunt. Monui, rogavi, prædixi omnia. Nihil effeci. Nunc Deus punit. Cincti sumus. Non est modulus, non rima euadendi.* Ergo id agamus, ex necessitate faciamus virtutem. Flagellum diuinum ut remedium, non ut supplicium accipiamus. Nam utrumq; possumus. Agnoscamus nos meruisse, quod patiemur. Pœnitentiam agamus, & quidquid nobis graue acciderit, feramus non iniusti, sed prompti ac libentes; ultronei, non coacti; compuncti, non compulsi; patientes, non desperantes; Deoq; cum spe salutis pro debitis nostris offeramus. Oportebat quidem hac mala ante-  
 Ioel 2, 12: uertisse, quando dixi: *Conuertimini, & agite pœnitentiam ab omnibus iniquitatibus vestris. & non erit vobis in ruinam iniquitas. Sed non audiistis me, ideo venit super vos indignatio.*

*Quid*

Quid igitur aliud superest, nisi ut flagellum  
Dei, tamquam filii à patre suscipiamus? ut,  
dum nos punit, sanet. Id ergo agamus, ut ipsa  
mors presens non supplicium nobis fiat, sed re-  
medium. Ita & D. Paulus scribit, multos in-  
digne communicantes corpori Domini morte  
punitos. Ideò, inquit, inter vos multi imbecilles  
& dormiunt multi: quos ante mortem Deo re-  
conciliatos fuisse idem Apostolus non tacuit, ad-  
didit enim: A Domino corripimur, ne cum-  
hoc mundo damnemur. Nec dubitandum est,  
nos per Christum satisfacere posse adhuc, patienti  
toleratione flagellarum à Deo commissorum. Si  
agnoscamus, nos ea meruisse, si ea libentes per-  
feramus; & prasertim ab Attila tamquam  
Christianis illata, Christi nomine amplectamur;  
si deniq; instantiū oremus pro inimicis nostris,  
salutem illis optantes tamquam amieis. Ita &  
pro peccatis nostris faciemus, & martyrij cero-  
nam reportabimus.

His, atque alijs talibus dictis adiecit S.  
Nicasius, se quoque, tamquam pastorem,  
pro ouili suo paratum esse ad mortem op-  
petendam. Aderat & germana soror eius  
Eutropia, quæ & ipsa, expansis ad cælum  
manibus, plebem, quantis maximis poten-  
tia & verbis, & viribus hortabatur, tum ad

1. Cor. II.  
30.

Vide  
Concil.  
Trident  
sess 14. de  
pœnit.  
Sacram  
cap 9.

V.  
S. NICA-  
SII MAR-  
TYRIUM.